

**PEBA EO KŌN MELELE KO REJIMWE ÑAN ARMEJ RO REJ WĀ IM ARMEJ RO  
REJ LALE ER KŌN WĀ IN COVID-19 EO AN PFIZER-BIONTECH IM WĀ IN  
COVID-19 EO AN PFIZER-BIONTECH, BIVALENT (JINOIN IM OMICRON  
BA.4/BA.5) ÑAN BŌBRAE JĀN NAÑINMIJIN CORONAVIRUS 2019 (COVID-19)  
ÑAN AN KAJOJO ARMEJ KŌJERBAL 5 ÑAN 11 YIŌ**

**ÑAN 5 ÑAN 11 YIŌ**

Remaroñ leloḱ Wā in COVID-19 eo an Pfizer-BioNTech ñan ajri eo nejūm<sup>1</sup> ak Wā in COVID-19 eo an Pfizer-BioNTech, Bivalent (Jinoin im Omicron BA.4/BA.5)<sup>2</sup>, im ālikin ijin jenaaj ba Wā in COVID-19 eo an Pfizer-BioNTech, Bivalent ñan bōbrae jān Nañinmijin Coronavirus 2019 (COVID-19) eaar waḱoḱ jān SARS-CoV-2.

Peba in kōn Melele ko Rejimwe ñan Armej ro rej Bōke Wā eo im ro Rej Lale Er ekoba Peba eo kōn Melele ko Rejimwe ñan Wā in COVID-19 eo an Pfizer-BioNTech eḱōj kōmālim<sup>3,4</sup> im Wā in COVID-19 eo an Pfizer-BioNTech COVID-19, Bivalent ñan an ajri ro 5 ñan 11 aer yiŌ kōjerbale.

Wā in COVID-19 eo an Pfizer-BioNTech eḱōj an bōke juon Kōmālim ñan Kōjербal ilo Idiñ lien (EUA) jān Opeij eo an Amedka ej Kakien Mōñā im Wūno (FDA) ñan leloḱ:

- wā ko jinoin 2 iien wā ñan kajojo armej ro 5 ñan 11 aer yiŌ.
- ej wā eo kein kajilu wā ko jinoin ñan kajojo ajri ro 5 ñan 11 aer yiŌ im rūttoḱoḱ kōn jet kain ñaninmij ko rej kaḱōjḱoḱ an ānbwinnier maroñ bōbrae jān nañinmij.

1 Wā in COVID-19 eo an Pfizer-BioNTech, juon wā monovalent, ekoba jipaik in protein eo wōt ilo SARS-CoV-2 eo Jinointata.

2 Wā in COVID-19 eo an Pfizer-BioNTech, Bivalent ekoba jipaik in protein eo an SARS-CoV-2 eo Jinointata im Omicron BA.4/BA.5 SARS-CoV-2.

3 Kwōmaroñ naaj loe Peba in kōn Melele ko Rejimwe kōn Wā eo jekdoon ajri eo nejūm 4 an yiŌ. Ajri ro renaaj 4 aer yiŌ ñan im rej pād ikōtaan jabdewōt wā ko jinoin remaroñ bōke 2 wā jān wā ko jinoin an Wā in COVID-19 eo an Pfizer-BioNTech eḱōj kōmālim an ajri ro 5 ñan 11 aer yiŌ kōjerbale. Ajri ro enaaj 4 ñan 5 aer yiŌ im rej pād ikōtaan wā ko aer jinoin im eḱōj aer jino bōke wā eo kein 3 jān wā ko jinoin kōn juon Wā in COVID-19 eo an Pfizer-BioNTech eḱōj kōmālim an kajojo ajri ro kōjerbale allōñ ñan 4 aer yiŌ, remaroñ bōke Wā in COVID-19 eo an Pfizer-BioNTech eḱōj kōmālim an ajri ro 5 ñan 11 aer yiŌ bōke ñan 2 im/ak 3.

4 Kwōmaroñ naaj loe Peba in kōn Melele ko Rejimwe kōn Wā eo jekdoon ajri eo nejūm 12 an yiŌ. Ajri ro renaaj oktak jān 11 ñan 12 aer yiŌ im rej pād ikōtaan iien wā ko aer jinoin remaroñ bōke, jabdewōt wā ko jinoin, jān: (1) Wā in COVID-19 eo an Pfizer-BioNTech eḱōj kōmālim ñan an ro 5 ñan 11 yiŌ maroñ kōjerbale; ak (2) COMIRNATY (Wā in COVID-19, mRNA) ñe ejab Wā in COVID-19 eo an Pfizer-BioNTech eḱōj kōmālim an ro 12 aer yiŌ im rūttoḱoḱ maroñ kōjerbale.

**Wā in COVID-19 eo an Pfizer-BioNTech, Bivalent emōj an loe juon EUA jān FDA ñan leļok juon iaan men kein:**

- juon wā ñan kajojo armej ro 5 ñan 11 aer yiō jab dikļok jān 2 allōñ ālikin aer kadedeļok wā ko jinoin kōn jabdewōt wā in COVID-19 monovalent<sup>5</sup> emōj kōmālim ak kōweppān; ak
- juon wā in kakajur ñan kajojo armej ro 5 ñan 11 aer yiō jab dikļok jān 2 allōñ ālikin aer bōke wā in kakajur eo āliktata kōn jabdewōt wā in COVID-19 monovalent emōj kōweppān ak kōmālim.

---

Peba in kōn Meļeļe ko Rejiṃwe kōn Wā eo ñan jibañ kwe meļeļe kōn uwōta im jibañ ko jān Wā in COVID-19 eo an Pfizer-BioNTech, im Wā in COVID-19 eo an Pfizer-BioNTech, Bivalent, im ajri eo nejūm emaroñ bōke kōnke ewōr juon jorrāān in COVID-19 emōj an jelōte aolepān lal in ilo tōrein. Kenono ippān armej eo ej lewaj wā eo ñan ajri eo nejūm elañe ewōr aṃ kajjitōk.

Emaroñ kar kōkāāl meļeļe ko kobban Peba in kōn Meļeļe ko Rejiṃwe. Ñan Peba eo kōn Meļeļe ko Rejiṃwe ekāāltata, jouj im lale [www.cvdvaccine.com](http://www.cvdvaccine.com).

## **TA EO KWŌJ AIKUJ JEĻĀ ҀOKTA JĀN AṀ BŌKE WĀ KEIN**

### **TA IN COVID-19?**

Nañinmijin COVID-19 ej waļok jān coronavirus eo ṇaetan SARS CoV-2. Kwōmaroñ bōke COVID-19 ilo aṃ pād iturin bar juon armej eo ewōr nañinmij in ippān. Eļapļok an nañinmij in emmenono im ej jelōte ṇōttan ko jet ilo ānbwinnid. Armej ro ewōr COVID-19 ippaer emōj aer kōjeļā kōn eloñ kain kakōļkōļ ko roktak, jān kakōļkōļ ko redik ñan kauwōtata ej kōṃṃan mij. Kakōļkōļ ko remaroñ waļok iuṃwin 2 ñan 14 raan ālikin aṃ kar kebaak kij in nañinmij eo. Kakōļkōļ ko remaroñ ekoba: piba ak biō, pokpok, kajjinōk, ṇōk, metak ṇajeļ ak ānbwin, metak bar, ekāāl an ejeļok neman ak bwin jabdewōt, metak būro, bōn ak toor boti; ṇōļañļōñ ak ṇōṃṃōj; bidodo loje.

Ñan meļeļe ko reļapļok kōn EUA, lale “**Ta in juon Kōmālim ñan Kōjerbal ilo Idiñ lien (EUA)?**” jikin eo ilo jemļokin Peba in kōn Meļeļe ko Rejiṃwe.

### **TA EO KWŌJ AIKUJ BA ÑAN ARMEJ EO EJ LEWAJ WĀ ҀOKTA JĀN AN AJRI EO NEJŪM BŌKE JABDEWŌT WĀ KEIN?**

**Ba ñan armej eo ej lewaj wā eo aṃ kōn aolep nañinmij ko an ajri eo nejūm, ekoba elañe ewōr an ajri eo nejūm:**

- jabdewōt men ko ej kadeki ak abṇōṇōike
- emōj an kar wōr aṃ myocarditis (ebbōj ilo ṇajeļ in menono) ak pericarditis (ebbōj ilo tōrerein menono)
- ewōr piba
- ewōr nañinmij in bōtōktōk ak ej ebōk wūno in joļok mekak in bōtōktōk

---

5 Monovalent ej kenono kōn jabdewōt wā in COVID-19 emōj kōmālim ak kōweppān im ewōr ak ekoba protein jipaik eo an nañinmij in SARS-CoV-2 eo Jinoin.

- emōjño an ānbwinnim maroñ bōbrae jān nañinmij ak kwōj idaaak wūno ej kōmman an mōjño an ānbwinnim bōbrae jān nañinmij
- ebōro
- ej kaninnin
- emōj ke am kar bōke bar juon wā in COVID-19
- emōj am kar lotloj jān wā

### **EWI WĀWEEN AER LEĻOK WĀ KEIN?**

Wā in COVID-19 eo an Pfizer-BioNTech, Wā in COVID-19 eo an Pfizer-BioNTech, Bivalent, renaaj lewaj kōn wā ñan iloan majel eo ānbwinnim.

Wā ko Jinoin: Wā in COVID-19 eo an Pfizer-BioNTech rej leļok ñan wā ko jinoin. Rej leļok wā in āinwōt 2 wā, 3 wiik tokalik. Wā ko kein kajilu jān wā ko jinoin remaroñ lewaj jab dikloj jān 28 raan ālikin wā eo kein karuo ñan kajojo armej ro ewōr jet kain nañinmij ko rej kamōjño an ānbwinnier maroñ bōbrae jān nañinmij.

Wā in Kakajur:

Wā in COVID-19 eo an Pfizer-BioNTech, Bivalent rej leļok āinwōt juon wā in kakajur jab dikloj jān 2 allōñ tokelik:

- kadedeļok wā ko jinoin kōn jabdewōt wā in COVID-19 monovalent emōj kōmālim ak kōweppān; ak
- bōke wā in kakajur eo ekāāltata kōn jabdewōt wā in COVID-19 monovalent emōj kōmālim ak kōweppān.

Wā eo emaroñ jab leļok kein bōbrae ñan aolep armej.

### **WŌN RO REJAB AIKUJ BŌKE WĀ IN COVID-19 EO AN PFIZER-BIONTECH, AK WĀ IN COVID-19 EO AN PFIZER-BIONTECH, BIVALENT?**

Ajri eo nejūm ejab aikuj bōke jabdewōt iaan wā kein elaññe ajri eo nejūm:

- eaar waļok juon abñōñō kauwōtata ālikin am kar bōke Wā in COVID-19 eo an Pfizer-BioNTech.
- ekkar wōr am abñōñō kauwōtata eaar waļok jān jabdewōt men ko kobban wā in.

### **TA KO KOBAN WĀ KEIN?**

Wā in COVID-19 eo an Pfizer-BioNTech im Wā in COVID-19 eo an Pfizer-BioNTech, Bivalent ekoba mōttan ko laajrak kobban: mRNA, lipids (((4-hydroxybutyl)azanediyl)bis(hexane-6,1-diyl)bis(2-hexyldecanoate), 2 [(polyethylene glycol)-2000]-N,N-ditetradecylacetamide, 1,2-distearoyl-sn-glycero-3-phosphocholine, and cholesterol), tromethamine, tromethamine hydrochloride, sucrose, im sodium chloride.

### **EMŌJ KE KAR KŌJERBAL WĀ KEIN MOKTAĻOK?**

Ilo katak in wūno ko, tarrin 3,100 kajojo armej ro 5 ñan 11 aer yiō im rūttoļok emōj aer bōke ruo wā ko jān 1 Wā in COVID-19 eo an Pfizer-BioNTech. Milien armej emōj aer bōke Wā in COVID-19 eo an Pfizer-BioNTech iumwin juon EUA jān Tijemba 11, 2020.

Ilo katak ko an wūno, tarrin 300 kajojo armej ro rerūttoḷok jān 55 aer yiō rar bōke 1 wā eo an bivalent eoktak jān Wā in COVID-19 eo an Pfizer-BioNTech, Bivalent kōnke ewōr ṁōttan Omicron eo eoktak kobban.

### **TA MENNIN JIBAÑ KO REJ WAḶOK JĀN WĀ KEIN?**

Eṁōj an Wā in COVID-19 eo an Pfizer-BioNTech kwaḷok ej bōbrae jān COVID-19. Eṁōj an FDA kōmālim Wā in COVID-19 eo an Pfizer-BioNTech, Bivalent ñan leḷok kein bōbrae eo eḷapḷok joñan jān COVID-19 eo eaar waḷok jān Omicron im ej juon ṁōttan SARS-CoV-2. Ejañin wōr meḷeḷe joñan aetok ad maroñ bōbrae jān COVID-19.

### **TA UWŌTA KO JĀN WĀ KEIN?**

Ewōr dik an maroñ in wā kein ñan lewaj juon abṅōṅō kauwōtata. Juon abṅōṅō kauwōtata ekkā an waḷok ālikin jet minit ñan 1 awa jān iien eo kwar bōke wā eo. Kōn mennin, jikin eo ej lewaj wā emaroñ kajjitōk an ajri eo nejūm kōttar ilo jikin eo raar wāiki eok ñan aer lale kwe ñe ewōr abṅōṅō ippān ajri eo nejūm ālikin an wā. Kakōḷḷe ko kōn juon abṅōṅō kauwōtata emaroñ koba:

- Abañ in emenono
- Ebbōj iturin mejaṁ im būruōṁ
- Mōkaj an paam̄ menono
- Nennab eo enana ilo aolepān ānbwinnim̄
- Addeboulul im ṁōjṅo

Myocarditis (ebbōj ilo majel in menono) im pericarditis (ebbōj ilo tōrerein menono) eṁōj an waḷok ippān jet armej ro rar bōke

Wā in COVID-19 eo an Pfizer-BioNTech. Ippān elon armej ro, kakōḷkōḷ ko rar jino waḷok jet raan ālikin aer kar bōke wā eo kein karuo. Elukkun dik an maroñ waḷok mennin. Kwōj aikuj bukōḷḷok taktō ilo iien eo wōt elañe jabdewōt kakōḷkōḷ kein laajrak renaj waḷok ālikin an ajri eo nejūm bōke wā eo:

- Metak ob
- Kajjinōk
- Aṁ enjaak an mokaj an paam̄ menono, ibikbik, ak ḷap an paam̄ menono

Abṅōṅō ko eṁōj kōjeḷā kaki jān wā kein emaroñ:

- Abṅōṅō ko rekauwōtata
- Abṅōṅō ko rejab kauwōtata einwōt bōk ko rebūrōrō, ebōnejnej, nennab, ebbōj iturin mejaṁ
- Myocarditis (ebbōj ilo majel in menono)
- Pericarditis (ebbōj ilo tōrerein menono)
- Metak ilo jikin eo rar wākare
- Mōk
- Metak bar
- Metak majel
- Piḷ
- Metak mōkwōj
- Piba
- Ebbōj ilo jikin eo rar wākare
- Būrōrō jikin eo rar wākare

- Mōlañlōñ
- Ejab emman am mour
- Ebbōj buri (lymphadenopathy)
- Diklōk am kōnaan mōñā
- Bidodo Loje
- Emṃōj
- Metak pā
- Lotlōk jān wā eo

Emaroñ ejab aolepān abñōñō ko kein remaroñ waļok jān wā kein. Abñōñō kauwōtata im jejjab katmāni remaroñ waļok. Rej katak wōt kōn abñōñō ko remaroñ waļok jān wā kein.

### **TA EO IJ AIKUJ KŌMṀANE JĀN ABÑŌÑŌ KO REJ WAĻOK JĀN WĀ KO?**

Ñe kwōj iooone juon abñōñō eo ekauwōtata, kūrļok 9-1-1, ñe ejab etal ñan aujpitō! eo epaaktata ñan kwe.

Kūrļok jikin wā eo ak taktō eo am ak an ajri eo nejūm elaññe ewōr jabdewōt an ajri eo nejūm jorrāān ko rej kabñōñō kwe ak ajri eo nejūm im rejab bōjrak.

Kōjeļā kōn abñōñō ko rej waļok jān wā ñan Kein Jerbal eo kōn Kōjeļā kōn Abñōñō ko rej Waļok jān Wā (VAERS) an FDA/CDC. Nōm̄ba eo ñan kebaak ļok VAERS ejeļļok wōnean ej 1-800-822-7967 ñe ejab ripoot online ñan

<https://vaers.hhs.gov/reportevent.html>. Jouj im likūt “Wā in COVID-19 eo an Pfizer-BioNTech ewōr EUA”, ak “Wā in COVID-19 eo an Pfizer-BioNTech, Bivalent ewōr EUA” einwōt ekkar, ilo lain eo kein kajuon ilo bōk #18 in peba in kōjeļā eo.

Im barāinwōt, kwōmaroñ kōjeļā kōn abñōñō ko rej waļok jān wā eo ñan Pfizer Inc., ilo meļeļe ko ñan am kebaak er im emōj lewaj tulaļ.

<b>Weepjait</b>	<b>Nōm̄ba in fax</b>	<b>Nōm̄ba in teleboon</b>
<a href="http://www.pfizersafetyreporting.com">www.pfizersafetyreporting.com</a>	1-866-635-8337	1-800-438-1985

Remaroñ bar lewaj juon wāween ñan am kadeloñ etaṃ ilo v-safe. V-safe ej juon kein jermal ekāāl ilo jimaartpoon an armej make ñan kōjerbale text im kajjitōk online ñan kallikar ippān armej ñe ewōr abñōñō ko remaroñ waļok ālikin aer bōk wā eo an COVID-19. V-safe ej leļok kajitōk ko rej jibañ an CDC lale an ejeļļok jorrāān ilo wā ko an COVID-19. V-Safe ej bar leļok kein kōkememej ko ñan wā ko kein karuo elaññe aikuj im kōnono kake bar lale kōn telepoon ippān CDC elaññe armej ro renaaj ripoot kōn jorrāān in ājmour eo eļap joñan ālikin aer bōk wā eo an COVID-19. Ñan meļeļe ko reļapļok kōn wāween am kadeloñ etaṃ, lale: [www.cdc.gov/vsafe](http://www.cdc.gov/vsafe).

**AK ÑE INAAJ KELET AN AJRI EO NEJU JAB BÖKE WĀ IN PFIZER-BIONTECH ÑAN COVID-19 AK WĀ IN PFIZER-BIONTECH ÑAN COVID-19, BIVALENT?**

Iumwin EUA, kwōmaroñ kelet in bōke ak jab bōke jabdewōt iaan wā kein. Ñe kwōnaaj kelet an ajri eo nejūm jab bōke jabdewōt wā kein, eban koktak joñan aer lewaj jibañ in kōmadmōd ko jān taktō.

**TA WĀ KO JET JEMAROÑ BÖKE ÑAN BÖBRAE JĀN COVID-19 IJEJĻOKŪN WĀ IN COVID-19 EO AN PFIZER-BIONTECH, AK WĀ IN COVID-19 EO AN PFIZER-BIONTECH, BIVALENT?**

Wā ko jet remaroñ bōbrae jān COVID-19 emaroñ wōr iumwin juon EUA, ekoba wā ko an bivalent im ewōr Omicron kobban jān SARS-CoV-2.

**AJRI EO NEJU EMAROÑ KE BÖKE WĀ IN COVID-19 EO AN PFIZER-BIONTECH AK WĀ IN COVID-19 EO AN PFIZER-BIONTECH, BIVALENT ILO EJJĀ IEN KO IJ BÖKE WĀ KO JET?**

Ejañin etal mejele ñan FDA kōn aer kar leļok Wā in COVID-19 eo an Pfizer-BioNTech, ak Wā in COVID-19 eo an Pfizer-BioNTech, Bivalent ilo ejjā ien eo rej leļok wā ko jet. Ñe kwōj ļomñake an ajri eo nejūm bōke Wā in COVID-19 eo an Pfizer-BioNTech, ak Wā in COVID-19 eo an Pfizer-BioNTech, Bivalent ippān wā ko jet, kenono ta ko kwōmaroñ bōke ippān taktō eo aṃ.

**AK ÑE EWÖR MÖJŃO KO ÑAN AN AJRI EO JAB MAROÑ BÖBRAE JĀN NAÑINMIJ?**

Ñe emōjño an ajri eo nejūm maroñ bōbrae jān nañinmij, remaroñ lewaj bwe kwōn kelet elaññe ajri eo nejūm ej bōke wā eo kein kajilu jān Wā in COVID-19 eo an Pfizer-BioNTech. Kajojo armej ro 5 ñan 11 aer yiō im rūttoļok remaroñ bōke juon wā in kakajur kōn Wā in COVID-19 eo an Pfizer-BioNTech, Bivalent. Wā ko remaroñ jab lewaj aolepān joñan eo aikuj ñan bōbrae jān nañinmij in COVID-19 ippān armej ro emōjño an ānbwinnier maroñ bōbrae jān nañinmij, im kwōj aikuj wōnṃaanļok in kōjparok wāween aṃ ṃakūtūt ñan jibañ bōbrae jān COVID-19. Im barāinwōt, armej ro eļap aṃ kebaak er rej aikuj bar wā āinwōt an ekkar.

**AK ILO IEN BÖRORO AK KANINNIN?**

Ñe ajri ro nejūm ebōrōro ak ej kaninnin, kenono kōn ta ko jet kwōmaroñ bōki ippān taktō eo aṃ.

**WĀ KEIN RENAAJ KE LEJĻOK COVID-19 ÑAN AJRI EO NEJU?**

Jab. Ejeļļok SARS-Cov-2 kobban wā kein im reban lewaj COVID-19 ñan ajri eo nejūm.


**KÖJPAROK KAAT IN WĀ EO AN AJRI EO NEJŪM**

Ilo ien an ajri eo nejūm bōke wā in COVID-19 kein kajuon, kwōnaaj bōke juon kaat in wā. Kememej in bōktok kaat eo aṃ ilo ien an ajri eo nejūm roļtok.

## MELELE KO RELAPLOK

Ñe ewör aṃ kajjitök, lale weepjait eo ak kūrloḱ nōṃba in telepoon eo eṃōj lewaj ilal.

Ñan loe Peba ko kōn Melele ko Rejiṃwe rekāāltata, scan ae kakōlle in QR eo eṃōj lewaj tulaḷ.

Weepjait eo ej jerbāl ipelaakin laḷ in	Nōṃba in telepoon
<p><a href="http://www.cvdvaccine.com">www.cvdvaccine.com</a></p> 	1-877-829-2619 (1-877-VAX-CO19)

## EWI WĀWEEN AŌ BŌK MELELE KO RELAPLOK?

- Kajjitök ippān jikin eo ej lewaj wā eo.
- Lale ippān CDC ilo <https://www.cdc.gov/coronavirus/2019-ncov/index.html>.
- Lale ippān FDA ilo <https://www.fda.gov/emergency-preparedness-and-response/mcm-legal-regulatory-and-policy-framework/emergency-use-authorization>.
- Kebaak opeij eo an ājmour ilo state bukwōn eo aṃ.

## IA EO RENAĀJ KAKWŌNE MELELE IN WĀ EO AN AJRI EO NEJU?

Jikin eo ej lewaj wā eo emaroñ kōbaiki melele in wā eo an ajri eo nejūm ilo Kein Jerbāl eo an Melele in Wā an state/jukjukin-pād eo aṃ (IIS) ak ilo bar juon kein jerbāl. Mennin enaaj loloodjak aṃ bōke ejjā wā eo ilo iien an ajri eo nejūm roḷloḱ in bōke wā eo kein karuo jān wā ko jinoin. Ñan bōk melele ko relaploḱ kōn IIS lale:

<https://www.cdc.gov/vaccines/programs/iis/about.html>.

## REMAROÑ KE LETŌK JUON WŌNEAN KŌṀADṀŌD KŌN AŌ BŌKE WĀ IN COVID-19 KEIN?

Jab. Ilo iien in, jikin eo ej wāiki eok eban lewaj wōnean wā eo im kwōban ello wōnean eo kwōj make kōlla kōn aer kōṀadṀōde wā eo ak jabdewōt bar wōnean elaññe kwōj bōke wōt wā in COVID-19 eo. Bōtaab, ro rej lewaj wā remaroñ kabōk an roḷloḱ wōnean eo jān juon būrokraaṃ ak injuren eo ej kōllaiki wōnean aer kōṀadṀōde wā in COVID-19 eo ñan armej eo ej wā (injuren an koṃbani, Medicare, Medicaid, Opeij eo ej leloḱ Mennin im Jerbāl in Jibañ ko an Ājmour kōn COVID-19 [HRSA] Būrokraaṃ an Ejeḷloḱ Injuren ñan armej ro rej bōke im ejelloḱ aer injuren).

## IA EO IMAROÑ RIPOOT MELELE KO IJ LŌMṀAK EWŌR KOOT?

Kajojo armej ro remaroñ jeḷā kōn jabdewōt ruprup in mennin aikuj ko an Būrokraaṃ in Wā eo an COVID-19 an CDC eṃōj rōjañ aer ripoot kaki ñan Opeij eo an Riberbāl eo ej Etale (Office of the Inspector General), U.S. Department of Health and Human Services, ilo 1-800-HHS-TIPS ak <https://TIPS.HHS.GOV>.

## TA BŪROKRAAṀ EO EJ JIBAÑ KŌN KŌLLA JĀN JORRĀĀN?

Būrokraaṃ in Jibañ kōn Kōlla jān Jorrāān ko Remaroñ Waḷoḱ (CICP) ej juon

bürokraam an federal emaroñ jibañ kōlla wōnean taktō im jejjet in wōnean ko jet ñan jet armej ro emōj an kauwōtata jorrāān ko aer jān jet wūno ak wā, ekoba wā in. Ekkā, jej aikuj leļok juon enaan ñan CICP iloan juon (1) yiō jān raan eo jar bōke wā eo. Ñan bōk meļeļe ko reļapļok kōn bürokraam in, lale [www.hrsa.gov/cicp](http://www.hrsa.gov/cicp) ñe ejab kall ae ļok 1-855-266-2427.

### **TA JUON KŌMĀLIM ÑAN KŌJERBAL ILO IDIÑ IEN (EUA)?**

EUA eo ej juon wāween kōlaajrak an wōr im ad maroñ kōjeral mweiuk in taktō ko, ekoba wā, ilo iien idiñ nañinmij ko rejelōt armej, āinwōt jorrāān in COVID-19 eo kiiō emōj an jelōte aolepān lal in. EUA ekkar kōjeļā eo an Secretary in Opeij eo an Eddo in in Jibañ ko ikijen Ājmour ñan Armej (HHS) ke ewōr unin eļap ñan kaṃool ad aikuj mweiuk in taktō ko ilo idiñ iien ilo iien jorrāān in COVID-19 eo kiiō emōj an jelōte aolepān lal in. Juon mweiuk eo emōj kōmālim ñan kōjeral ilo idiñ iien ejañin de pād ilo kain etale eo jān FDA āinwōt juon Mweiuk ko emōj an FDA kōmālim.

FDA emaroñ leļok juon EUA ilo iien etōprak jejjet in wāween ko, im ekoba ejelļok wāween ko jet rebwe joñaer, emōj kōmālim, im ewōr jet ko. Im barāinwōt, kelet eo an FDA ej ekkar ñan aolepān kein kaṃool in katak ko an science ewōr im rej kwaļok ke mweiuk eo emaroñ jejjet an jeral ñan bōbrae jān COVID-19 ilo iien jorrāān in COVID-19 eo eaar jelōte aolepān lal in im ke jibañ ko emōj ad jeļā kaki im remaroñ waļok jān mweiuk eo eļapļok ad jeļā jān uwōta ko remaroñ waļok jān mweiuk eo. Aolep wāween kein rej aikuj tōprak ñan kōmālim an armej maroñ kōjerbale mweiuk eo ilo iien eo Nañinmijin COVID-19 eo eaar jelōte aolepān lal in.

Juon EUA ejejjet kūtien ñan aolepān iien kōjeļā in EUA eo ñan COVID-19 ej kaṃool ad kōjeral mweiuk in ilo idiñ iien, ijelļokūn ñe emōj kabōjrak ak joļok (ālikin innem mweiuk eo emaroñ jako ad kōjerbale).

### **BIONTECH**

Emōj an kar kōmman ñan  
BioNTech Eaar Kōmmane GmbH An der Goldgrube 12  
55131 Mainz, Germany



Kōmman jān ippān  
Pfizer Inc., New York, NY 10017

LAB-1486-6.2i

Emōj kōkāāl meļeļe: 12 Oktoba 2022





Kakōlle in QR Scan ñan pija ke Peba in kōn Melele ko Rejimwe emōj kar lelok ñan armej eo ej bōke wā eo ñan rekoot in taktō ko online/kein jermal ko kōn melele in wā.

GDTI: 0886983000424